



凝香集

卷之三

宦隱子

祥裔耦漁氏著

臨江梅

上三句臨江仙下二句一剪梅

秋夜

細雨斜風秋意鬧竹聲夾帶蕉聲眼從睡裏淚珠
生最不堪聽最惹人聽 燈暈凝寒寒乍重照人

夢不分明關山客路八千程夢也難行魂也難行

美人臨江

上三句虞美人下二句臨江仙

秋柳

牽情牽恨何時了。斷人多少而今憔悴倚長亭。
瘦拖殘照黑病抱野烟青。風流贏得愁千縷。休
與鴉兒語。一番零落一番寒。纖眉消翠易冷眼覷
人難。

其二

輕盈原是多情種。曾受東君寵。西風吹起欲銷魂。
舞腰無氣力。俊眼減精神。到底生情全不改。畱
得春心在。蕭疎猶自傍青樓。秋娘雖已老。餘韻尚
風流。

其三

絲絲蘸水秋波冷。低拂鴛鴦影。木蘭艇子木蘭橈。
採蓮人已去。小纜繫空牢。扶烟慘淡渾無語。恨
殺連纖雨。情長情短奈何天。奈愁愁不起。含淚淚
難乾。

其四

蕭條景物都非昨。惟覺西風惡。情絲到地意何長。
可憐有限葉。能耐幾番霜。眼前多少悲時節。取
次愁應絕。一聲征鴈一聲蟬。舊情猶旖旎。新恨更

纏綿

前題 仍用前韻

春風情性秋風了從此歡娛少
衰絲斜拂小旗亭
繫人心未定送客眼終青
非關烟褪黃金縷愁
重渾無語芳時挨盡復偎寒
不難將別意欲挂夕陽難

其二

細腰仍是宮中種失却當年寵
相思病害想春魂
瘦眉描不出秋葉與傳神
喃喃燕說青春改只

有情根在依然掩映十三樓
帶烟愁氣結著雨淚珠流

其三

驕鶯寵燕東風冷曾伴桃花影
冶遊今若住雙橈
同心空作結挽殺不堅牢
愁眉愁眼憑誰語那
禁黃昏雨斷魂時候斷魂天
鴉憐栖霧濕馬失障泥乾

其四

封姨雖老猶如昨妒比吹花惡
釀寒不管瘦條長

素娥猶冷月青女助嚴霜 看看做到沒情節情
分都教絕相憐惟剩小哀蟬一聲秋思落萬里客
心牽

臨江仙 第三體

送朱丹山之利州

細雨滴開蕉綠微波收盡殘紅長亭柳眼泣西風
似知人欲去無力駐遊驄 劒閣猿啼路斷利州
水抱城空半肩行李萬山中羊腸悲大道之子慎
匆匆

夜景

移坐小亭窗下捲簾放入新寒一天夜色壓闌干
蕉多嫌露滴月淡怯烟團 酒泛玉盃濃瀉茶烹
瓦鼎松燃茶香能使酒腸寬踉蹌思醉卧扶定侍
兒肩

偶成

細雨釀成花信東風吹斷燈期秋千挂起惹春思
殘梅未落蒂新柳已垂絲 落拓剩教舌短奔馳
贏得官卑歸心好許鴈兒知只因愁不合惟與醉

相宜

臨江仙

曉寒

曉夢覺來生怕起日高尚有餘寒玉鈎半挂小珠
簾山橫花裏黛秋約柳邊烟昨夜爲拚長夜飲
今朝酒病厭厭沈郎新瘦法羅衫淚痕存眼角愁
思壓眉尖

浣花溪

溪上有滄浪亭

溪水滄浪流不動微風吹皺成紋芙蓉倒影浸紅

雲浣花人已沒畱待濯纓人猶憶纖纖搽粉客

提戈能殺妖氛羞他束手虎賁臣應銷金鎖甲多
買綠羅裙

萬里橋

一綫玉虹斜跨水依然分手河橋傷心萬里自茲
遙眼前衰柳路黯黯尚魂銷橋下錦江流不盡
古今別淚滔滔宦遊獨我恨蓬飄莫教懷國淚添
作大江潮

草堂寺

在浣花溪側有杜工部石像

一曲浣花溪水碧竹籬搖落晴曛鐘聲敲斷遠山
雲西風吹客淚哀鴈弔詩魂贏得傷心一片石
依然憂國憂民野花衰草鎖柴門無家別離語似
爲宦遊人

武侯祠

丞相祠堂衰草裏野烟四合團愁小堦瘦栢不禁
秋一生心血盡三顧主恩酬門外平原仍陸海
河山無恙悠悠衣冠漢代哭荒丘老臣猶有恨豎
子自遺羞

琴臺

野草西風山郭外荒臺日暮烟淡小橋斜徑入疎
林只今橋下水猶是古琴心斷鴈一聲天地暝
愁來有淚沾巾燒琴人作賞音人賣文無計久誰
不惜千金

薛濤井

十色花箋千種意芳心知爲誰畱只今風雨弔青
樓試看新漲水不盡舊時愁日暮轆轤聲轉急
可憐惟漑田丘輸他老圃說風流銀床寒蘚綠金

鈿野花秋

早起

曙色窺窗殘夢覺鳥聲喚起愁人小簾高捲錦江
雲樹疎烟影淡草瘦露珠新自在微風輕似扇
一襟涼思無塵荷香陣陣獨氤氲看花消白眼獨
步遣愁心

秋雨

天氣欲晴晴不起雨兒只管濛濛小堦寂寞綠苔
封濕烟凝敗柳輕冷鏤疎桐滴入夜眠孤客耳

驚回歸夢無踪鄉心萬里托孤鴻攪愁催永漏和
淚寄西風

秋風

悄悄芭蕉叢裏過蕭蕭化作秋聲破窗咽咽紙條
鳴巡簷敲鐵馬隔幌照孤檠趁月故搖花影動
助花賣弄輕盈教人疑是玉人行天空清籟發夜
靜薄寒生

秋月

蟾魄夜懸明似水碧空湧出嬋娟清輝一片好誰

看簾篩花影碎。烟隱鴈聲寒。待約佳人猶未睡。
記痕剝損闌干。桐陰乍轉。小樓邊。銀河低玉宇。珠
露濕雲鬟。

秋水

雲母面嬌彈欲破。怎生禁得風揉皺。紋如縠碧天
浮魚吹萍葉。綠鷗浴蓼花秋。兩岸芙蓉偷照影。
一灣草冷汀洲。何年乘此泛歸舟。無心隨浪逐。有
恨托波流。

秋山

山色秋光如畫裏。秋山日夕尤佳。斷烟空翠隱殘
霞。疎林紅葉好。行客坐停車。回首舊遊渾不識。
爭喧陣陣歸鴉。隔溪犬吠野人家。平岡衰草合。遠
岫亂雲遮。

秋砧

別館飄來聲斷續。聲聲是淚沾襟。隨風化作塞垣
音。可憐一片石。廢盡萬千心。那識閒愁敲不破。
空教敲破疎林。舊衣欲寄遠行人。借他雙杵力。替
妾白頭吟。

秋草

輕鎖離愁渾似織。萋萋翻憶羅裙。秋空一望亂斜曛。瘦黃新泣露。病綠舊連雲。解道種情心不死。倍教目斷王孫。朝朝碾破送征輪。西風連去鴈。南浦隔行人。

秋燕

花柳江山都看足。而今興趣淒涼。喃喃妻子細商量。不如歸去好。免使畏風霜。雖是主人恩義重。梁園到底他鄉。相思隔歲別離長。途中若遇鴈代。

我說衷腸

晏起

爲甚夜來生怕睡。今朝欲起還慵。日高三丈煥融融。鶯聲花裏喚。眼尚未惺忪。別緒離情團作絮。任他吹入東風。相思似覺去倥傯。半飄楊柳外。半殢夢魂中。

美人午睡

一線風輕渾不礙。冰櫥紗薄如開。竹床無暑絕塵埃。花枝橫臥處。烟籠玉山頽。粉隱汗珠香欲溼。

夢香集
九
枕痕紅界梨腮。雲鬆霧怯，溜金釵。向人惟飲笑，低問幾時來。

微涼

驟雨初過，天似洗。今宵贏得微涼，月扶花影，印紗窗羅幃。蟬翼薄，湘簾水如長。風細，玉人消醉色。背燈試把蘭湯，倦時模樣，睡時妝。巫雲壓臂，膩楚夢貼肌香。

薔薇

紅重綠扶扶，不得盈盈一朶。青春惹他蜂惱，蝶相

嗔。低枝橫礙臉，小刺隱勾人。盡日當窗，香入座。書聲偷被花聞，等閒看取，謾因循。莫教山野客，化作燕泥塵。

紀夜

生怕竹風蕉雨，夜羅幃翠被，餘寒暗思往事。記年年，曾將無限意，私語枕函邊。到底不知，因甚孽惹教，生死情牽。官樓畫鼓，謾催殘，已拚心上病結。有夢中緣。

送春

百計畱春春不住。問春底事匆匆。可憐何處弔芳蹤。
鶯翻榆莢雨。燕蹴柳花風。寂寞自從今日始。
生生閃殺吾儂。相思滋味別離同。怕他杯裏酒不
及此情濃。

其二

春色依依猶欲住。杜鵑抵死相催。聲聲叫到不如歸。
一腔離恨。血點點。濺殘暉。風信吹闌花信了。
透些煖上羅衣。眼前忍見亂紅飛。無邊遊子意似
與故人違。

其三

蝶夢未醒。花夢盡。粉零玉碎。香殘惜花人自沒。
花看。我因春得病。春與我無緣。今日縱然畱下也。
奈他鶯已聲乾。不如索性早教還。殷勤一盃酒好
約在明年。

其四

江上人愁時送客。而今又送東君。斜風細雨柰何春。
柳風空著力。不繫是花魂。百舌縱能說不轉。
吞聲心自酸辛。蒼茫綠樹暗乾坤。離亭三月暮別。

路萬重雲。

合江道中

一帶烟波渾似畫半篙細雨孤舟綠莎沙淺卧閑
鷗疎楊隱草舍遠樹出江樓多少宦途裘馬客
輸予到處遨遊山川景概望中收莫嫌囊落拓儘
飽眼風流

鳳棲梧

入棧

半林楓葉紅於染石棧懸空鳥道千尋險山色雨

餘螺黛淺江聲斜抱孤村遠

贏得離人流淚眼

圖畫天然忙裏全收覽回首一鞭殘照短闌跚只
覺驢兒緩

雨餘

雨餘山色渾如黛牆矮窗虛翠欲流簷外雲影微
將竹影礙蕉聲畱得風聲在 蜨濕粉衣花上曬
荷葉波心無雨猶擎蓋聊把閒愁今且賣披襟恍
坐清凉界

雨夜

蛩語三更哀更切。打破愁眠。夢向愁邊歇。窗外朦朧雲漏月。雨聲滴碎芭蕉葉。燈影半明猶未滅。薄被稜稜。輕冷新凝結。淚爲悲秋流已竭。思鄉淚又流成血。

春曉次韻

數聲破夢鶯初轉。日影窺窗曙色渾。如染紅霧綠烟花上淺。天然不費人妝點。春意不將春態管。惜惜厭厭。情思都成懶。無力堦前行步緩。女牆半露青山遠。

寄內

楊柳風柔無氣力。做煖矜寒。最是難將息。繫我一身名與利。累卿無數愁堆積。莫向花前頻淚滴。淚重花輕。花落春歸急。人遠天涯剛咫尺。頓教春笑人孤寂。

語花

一點春心。渾欲透楚楚。娉婷風月全消受。燕尾紅分剪剪鬪。鶯喉香浸聲聲溜。春色被伊都占就。笑口應開放。煖烘晴晝多恨。最憐寒食後。相思何

詞人筆

事如儂瘦

避暑

烈日烘雲花影亂苦熱心煩避暑閑亭畔無計迎
涼空有汗侍兒爲打齊紈扇手懶拋書人正倦
竹榻悠然已自鋪冰簟午夢乍教蝴蝶見惱他窗
外啼鵲喚

咏荷花

水珮風裳雲鬢綠洛浦凌波愛向波心蹴疑是太
真初出浴嬌紅暈臉香生肉並蒂一枝雙影簇

解語情多笑引鴛鴦咏三十六陂烟雨足秋光用
撚花鬚卜

咏佛手柑

寒玉瓊瓏香捻就解徹連環妙證鴛鴦扣不袒粉
肩籠翠袖輕盈色相曇花鬪想是太真入道後
指印沉檀香染春蔥瘦掌上秋風吹欲透雨雲人
世由翻覆

踏青

風軟香塵吹不動草碧鋪茵引出鞦韆頭鳳鶯嘴巧

將春賣弄柳枝扶起晴烟重
人自惱春如酒中
年少誰家白馬青絲鞵
眼色相勾春暗送
淡聞今
惹巫山夢

撲蝶

紅繡地衣花欲盡
惹起花奴忙裏輕狂甚
不顧粉
香容易褪柔風弄煖團成陣
惱亂傷春腸一寸
人爲情噀小扇
無情分捉得箇來春力困
春心難
著春安頓

鬪草

三月鶯花香世界
拾翠拈嬌依約秋千外
繡褥不
教芳草礙綠淡紅淺爭相賽
笑暈誇羸侵巧黛
不賭珠鈿賭取宜男戴
鬪罷柳梢斜日在
子規又把相思賣

澆花

鳥弄金鈴花睡醒
曙色撩人露浥春衫冷
花似欲
憐儂瘦影儂憐花瘦遲春景
喚起小鬟垂素綆
一點靈犀醫得花心病
花病正如儂病恁
儂心未必花心省

咏桂

誰道西風多寂寞做意飄香吹惹天花落怕失淮
南招隱約欲開又被輕寒勒怪殺姮娥情分薄
不許書生年少偷相折博得村童牛背厄盈盈插
帽誇仙客

紀夢

盤髻雙翹金鳳顫窄袖長褰翠羽明珠舊粉軟香
柔教把腕迎人飲笑紅生面私語幽歡過竹院
石榻無塵斜隱花陰畔半晌溫存情未倦書生緣

淺更敲斷

新燕

滿眼春光仍似昨獨有桃花大半先零落不是東
君情分薄風姨何事年年惡一任飛花狂態作
趁勢翩翩到處穿簾幕况與紅樓曾有約風流肯
放春閑却

春晴

限韻

香雨濯成紅世界草弄新晴霽色飛來快山影不
教簾影礙當窗偷學人睂黛蜨晒花衣花上晒

一段溫存結識花恩愛鶯嘴莫將春意賣柳絲挂
得斜陽在

暮春

底事輕教花命薄春只三分半被風姨惡鶯嘴無
端調佞舌花叢啄破金胎萼思量畢竟東君錯
省得花枝省得開和落一夜春和人瘦却愁痕上
臉渾如削

鴛鴦

交頸雙雙恩義重蹴起波紋碧影粼粼縱生怕隻

飛憐寡鳳死同並蒂蓮花夢兩兩相呼聲一弄

肅肅于飛都被情勾動慣把紅樓人斷送離腸別
淚時時痛

積雨

天氣欲晴晴不許梅熟風酸吹作連纖雨燕子飛
遲低翠羽鶯兒聲老羞嬌語贏得迴腸千萬縷
日日車輪碾破閑情緒魂濕惟愁歸夢阻只餘一
味清無暑

瓶梅

破臘一枝寒乍重團雪團烟瘦影和香凍春色未
教花遞送花心先覺春心動欲向羅浮尋舊夢
眼底今年吹斷單于弄勾惹相思腸寸痛膽瓶畱
得花無用

時梅姬
新亡

秋思

舊綠新黃愁境界冷雨酸風病爲悲秋害怕聽清
商聲一派亂蛩瑣碎真無奈官舍周遭山似帶
小夢思還飛出重山外鼠近殘燈人醒快被池覆
著相思塊

秋晚

雨葉初乾黃乍染可柰西風快似并州剪門外秋
山無近遠疎林樹樹愁排演人被關心情自懶
小立空庭鴉背斜陽晚閑恨一天蛩不管叨叨說
得離腸軟

咏枕

限韻

夜夜春山秋水畔俏與扶頭溜落釵梁燕香雨香
雲香已慣溫柔鄉裏溫柔徧夢到酣時猶自顫
漸漸移情妾腕和郎腕生怕孤眠閑一半啼痕替

却風流汗

咏被

限韻

紅浪初揉鴛睡醒不許西風透入些兒冷生受小
池方一頃軟綿覆著雙雙影 最可玉人羞裏請
障住燈明纔放輕狂逞情種箇中忘漏永溫存只
有伊家省

咏帳

限韻

霧縠空濛風力趁人在空濛消受風兒醞絳蠟潛
窺看不盡雪膚偷被花紋印 蘇絡金鈎銀蒜襯

寶鴨香爐儘有溫存分枕上華胥原自近移封斗
大南柯郡

咏鏡

限韻

一點冰魂秋水漾學月團圓不受輕烟障弄影香
奩春色暢海棠睡足描來像 日日不離妝閣上
鑒盡人間兒女私情狀郎與畫眉偎半晌箇中印
出雙雙樣

咏粉

限韻

不是漢宮梅片片雪樣精神比雪多香豔少婦盧

家晨醺面桃花又借胭脂舊嫩筍纖纖和露浣
柔膩風情小鏡妝臺見只讓何郎分一半玉人莫
作尋常看

咏燈

限韻

支盡長宵宮漏凍瘦影搖紅拍拍風絲動小暈欲
凝寒乍重隔幃照見鴛鴦夢一點芳心情斷送
火樣根苗又把花胎弄賺得玉人頭上鳳金釵當
作金錢用

咏香

限韻

睡鴨初溫香篆裊一種纏綿結作心心好倒鳳銜
花簫局巧羅衣領取閑情繞玉勒王孫歸不早
夜夜煩他銀葉拈來小多謝龍涎和鵲腦相思人
被相思惱

咏簾

限韻

一幅瀟湘江上竹橫影參差挂起波紋綠偷度篆
烟香斷續微風不動閑鈎玉率地低垂遮晚浴
燕子來遲未許歸金屋透月璫瓏花簌簌怕郎潛
立偷看足

戲賀曹卓菴壽

八月西風吹欲透。桂粟香清。釀作杯中酎。天弄新晴。秋籟奏芙蓉。含笑爲君壽。試問休文。綠底瘦。社日明朝燕子歸時候。獨是人歸。翻落後紅樓。祝罷還相咒。

後庭宴

七夕 是日雨

別日苦多。會時苦少。人間天上。同煩惱。千秋萬歲。總相思。年年那得相思了。今宵贏得。爲雲爲雨。

靈風縹緲。玉人此際。偷乞天孫巧。夜靜嫩涼生。私語空庭小。

其二

愁重成雲淚。多作雨。經年別恨都如許。七襄機上。織迴文情。絲不斷。千千縷。佳期今夕。天孫偷學人間兒女芳心。繾綣訴出鴛鴦侶。那得破工夫來。鑒人私語。

美人賣花 上三句虞美人下二句賣花聲

月下看花

今宵月色明於晝莫負花時候闌干橫處惹佳人
驪著看花花上臉鬪月精神 官貧不道饒清興
花月心頭境露凝花氣月都香拚得朝衣聊當酒
買醉何妨

釵頭鳳

本意

惜花性貪花病美人頭上雙棲定芳茵畔金杯勸
涼州舞罷春風微扇顫顫顫 山盟訂還持贈頓
教兩下成孤另鵲聲喚燈花綻紫姑壇上解人愁

怨判判判

唐多令

元日

愁病方除却愁灰今復然又青回柳眼欲誰憐不
是江城花事早是客裏覺春先 思入春三十心
懷路八千一身詩債酒家錢已道新年過不得那
知偷過新年

錦帳春

咏美人睂

柳葉春慳遙山翠潤著不得些兒愁恨弄菱花描
螺黛被肉痕偷印微拭香津搵病裏輕顰嗔時
倒暈更別有一般風韻懶精神還散漫是蜂黃初
褪羞人紅沁

一剪梅

畫眉

效弇州體

巧鬪涵烟鏡裏山疑是春山疑是秋山筆尖螺子
寫遙山畫一重山印一重山微潤香津拭曉山
雲濕青山雨濕青山閑情感破小愁山思在關山

恨在睂山

聽鶯

和韻

現睨聲從何處來柳惹將來花惹將來喚教風雨
五更來帶得春來帶得愁來飛近秋千小架來
叫睡醒來叫夢醒來淡情絮絮訴從來怨著誰來
恨著誰來

其二

鳥弄金衣織柳來送好音來送好春來聲聲喚出
鳳鞵來來踏青來來看花來不管羈人那聽來

愁自聲來。淚自聲來。翩翩猶自鼓簧來。吹出情來。譜出情來。

咏燕

貼水差池翠影雙。小語聲忙。小舞飛忙。梨花細雨濕春光。一剪花香。一嘴泥香。壘就香巢近碧窗。曉覷新粧。晚覷殘粧。多情何事起愁腸。來爲春傷。去爲秋傷。

咏鶯

春寵翩翩公子。驕喚起花朝。啼破花梢。驚人夢斷。

碧天遙。君自魂飄。妾自魂銷。到處尋芳。烟景饒。青草晴郊。綠柳河橋。東風三十賣妖嬈。一曲笙調。一種情苗。

咏蝶

粉重香粘衣上花。白染梨花。紅染桃花。雙雙閒惹扇兒紗。捉向窗紗。放向窗紗。今夜知他宿那家。花裏爲家。香裏爲家。無端風雨恨無涯。春去天涯。夢去天涯。

咏蜂

偷得花來欲釀春。花釀春心。春釀花心。花意春心。
兩不禁。花瘦三分。春瘦三分。腰細輕盈。楚女魂。
這壁溫存。那壁溫存。憐香到處。不憐身。黃褪成塵。
香褪成塵。

春陰

窗影朦朧。日影遲寒。在梅枝。煖在桃枝。矜寒做煖。
半陰時。春意花知。春恨花知。捲簾凝望。燕歸期。
柳纖烟絲。柳弄風絲。遠山攢碧。學愁眉。雲盡天低。
天盡雲低。

紙鳶

蜀山病快

剪紙按繩。伎倆奇。頃刻鵬飛。頃刻鳬飛。多虧線索。
自提攜。風也扶持。人也扶持。直共行雲較速遲。
遲也堪危。速也堪危。脚根線斷。落污池。哭殺嬌兒。
笑殺嬌兒。

踏莎美人

上三句踏莎行下三句虞美人

咏水仙花

洛浦臨波。江皋環珮。芳魂化入芳英隊。檀心不受。
蜨蜂嗔。獨向霜天冷處。欲親人。倚石神清。怯風。

肌瘦未甘輕落梅花後盈盈無語玉香柔知是湘
靈鼓瑟爲誰羞

咏水仙花影

半壁殘燈一簾寒月偷香暗寫花和葉雲鬢玉臂
認難真恰似美人春睡帳中身慘淡柔心模糊
秘意愁蜂怨蜨憑誰寄低徊無語立凌波髻鬢蒼
烟翠霧鎖湘娥

白牡丹

蜨意偷香春心賣笑胭脂却盡渾波俏玉柔粉瘦

鬪輕風何必一痕畱得指尖紅露洗何郎日烘

荀令月中分外相宜稱烟花世界獨幽然知是繁
華如夢洛陽天

漁家傲

採蓮

曉入蓮塘花似倩船頭觸散鴛鴦伴翠袖斜揎舒
玉腕纔折斷情絲一把還廝戀弄水悞將衫子
濺吳歌低唱情無限柳外青驄遙隔岸羞人見摘
來荷葉佯遮面

本意

蘆白蓼紅江水綠浪花風起噴寒玉遠近雲山秋
可掬真滿目畫圖歷歷都看足閒把小舟繫古
木風波塵世由翻覆貰酒歸來魚正熟歌一曲醉
來抱月斂然宿

其二

落日半竿烟挂柳船兒泊在江兒口網得巨魚惟
欠酒謀諸婦昨宵剩酒猶存否大笑高歌狂拍
手生涯醉裏天長久風月無邊爲我有誰是偶箇

中只有蓮樓叟

夜月卽事

新柳梢頭初月上香風吹過茶烟颺翠竹蕭疎搖
碧浪閑情況一庭夜色渾無恙小草鋪茵花影
障春光勾惹春情蕩斜倚侍兒偎半晌襟懷暢闌
干壓著風流狀

蘇幙遮

新晴用文正公韻

杏花天芳草地小雨新晴螺髻遙山翠燕尾剪波

輕蘸水銜得香泥飛過秋千外 故園情遊子意
愁上睂頭壓眼惟思睡十二闌干閒倦倚柳葉無
端猶帶傷春淚

夏日雨霽和友原韻

熟梅風吹欲盡作弄新晴枕簟涼初潤螺子遙山
烟外隱碧沼粼粼水漲荷錢嫩 蜨繞乾飛未穩
欲晒花衣就日依人近過眼浮雲只一瞬立徧蒼
苔小遣心頭悶

風中柳

挽楊柳作同心結

新柳依依慣解舞東風煥隱長亭枝頭春滿佳人
折贈猶恐情難綰訂同心翠條生挽 玉手纖纖
都被青青露染金縷拖烟君莫剪結兒雖小箇箇
含愁眼倩絲兒將郎拘管

酷相思

春恨

好夢輕將鶯吭惹人有恨花無那看春戀遊絲心
未捨花瘦也淒涼者人病也淒涼者 客淚偷彈

珠一把拚向花前灑更十八封姨情分寡弄得箇
春休也弄得箇人休也

夜感

落葉飛來秋滿座月又被簾篩破剩藥爐茶竈閒
中課人擁著愁一箇愁擁著人一箇夜夜夜
淡坐坐不睡誰能那縱彈斷玉琴仍寡和衣上已
啼痕浣枕上更啼痕浣

本意

鎮日昏昏如欲睡酒事詩情都廢只相思一種供

憔悴這意也誰會會這味也誰會會
愁字諱眼又難藏淚少年去也能歸未寂寞也予
之罪薄倖也予之罪

紀夢

殘月濃霜更漏凍猛可地閒情動憶雨魄雲魂風
斷送淒涼殺釵頭鳳淒涼殺鞦頭鳳枕上相思
心裏夢夢裏肝腸痛問蕭寺孤墳荒草共鴈過也
哀聲弄蟲泣也哀聲弄

其二

生受伊家來夢裏更執手叮嚀語道離別而今暮
月矣雲斷也隨流水花落也隨流水 畫鼓無情
偏到耳敲得相思起剩粘枕啼痕拋眼底咫尺也
人千里咫尺也魂千里

亡姬厝於署
後之楞伽菴

醉春風

有懷

春自來花上愁自和春長如癡如病鎮厭厭想想
想羅襪勾人錦衾畱夢頓成已往 打點心頭強
蹙破睂峰兩客中愁耳不堪聽響響響竹葉風篩

柳梢雨過無邊悒悒快

咏美人腰

風起湘裙縐怯怯難承受舊時翠帶結今寬瘦瘦
瘦柳慳一束軟可三眠傷春時候 還被春光誘
更被春酣透泥人赤緊著人憐就就就不勝輕盈
不禁蹣跚不禁僂僂

望遠人

閨怨

枕上啼痕怨歲華化作石榴花知郎何事滯天涯

飄泊不還家。今日恨爲誰。嗟相思和病交加腰。
支瘦已不勝紗。心情那復髻堆鴉。忍教人獨自負。
却月彎鉤。

其二

芳草萋萋舊斷魂。新恨憶王孫。萍踪到處信無根。
柳絮是前身。心已病。臉空勻。粉痕界著啼痕。畫
眉誰與說溫存。可憐贏得鎖巫雲。嫁時明鏡子羞
照獨眠人。

定風波

晚涼卽事

雲拂花枝花。花拂簾。好風細細晚涼天。一抹夕陽紅。
暈淺山遠。半窗圖畫兩眸前。宦味日貧。心日逸。
翻覆朝來暮去絕塵緣。正是種情多。我輩課婢度。
歌按拍索箏彈。

齊破陣

五日

煖日烘開萱草薰。風染透榴花。記得江南今日裏。
畫舫笙歌鬪麗華。小扇簇輕紗。又是一番重午。

動人無限嗟呀以宦爲家原是客客中作客倍思
家兒女寄官街時予在綿州

行香子

夜思 限韻

秋色闌珊。夜色涓涓。凝珠凝白露團團。蕉濃影暗。
菊瘦香寒。有鴈聲遙。蛩聲苦。漏聲殘。不堪此際。
倚徧闌干。欲眠無力。病厭厭。心情多少。落在誰邊。
怎奈何。人奈何。月奈何。天奈何。

錦纏道

客裏

客裏薰風吹得榴花紅徧上江樓。雙眸窮盼下灘。
歸艇渾如箭。烟樹雲山都是傷遊宦。怕聽杜鵑。
聲啼時血濺。爲著柔腸容易斷。今番慢把閒情亂。
歎荒城簫鼓又近重陽宴。

青玉案

咏玉簪花和吳鶴亭韻

花姨雖老秋容別。剩粉殘香奇絕。回首三春渾太。
息落紅如夢。芳茵似海。只有冰心潔。何年釵斷。

相思折化作嬌花情未洩。開向窗前如欲說。玉人拈取翠鬟輕惜。兩厭厭風月。

晚眺

斜陽衰柳烟絲挂。是一區秋山畫。遙望碧溪茅屋下。隔水樵夫策黎野老。相對閒中話。悠然不減東籬價。笑我天涯驂半駕。輸與薜蘿牆滿架。飯熟邯鄲酒封麴。藥得使塵襟罷。

兩同心

咏美人足

一鉤新月兩瓣紅蓮。舞掌上輕飛小鳳。行洛浦微蹴文鴛。向紫陌踏青拾翠。帶得春還。幾回爲赴幽歡。那步堪憐。最撩人燈前暗換。更消魂被底勾連。風流煞鞦韆名獨見。宮樣新翻。

今日

今日相思昨宵斷。送訴舊恨九月離雲。做新歡三更好。夢尚依稀。小襪吳綾短翹金鳳。畱得十香詞曲。扇頭堪誦。是妮子解定情根。惹主人獨教情種。最憎嫌眼前花柳。難分伯仲。

亡姬有十香詞扇

天仙子

擬豔

酒力不勝花漏永。一睡覺來猶未醒。醉春春色壓
蘭衾。嫌夜冷。羞燈影。枕上雲絲扶不整。繡幙銀
鈎搖不定。掉動闌干鸚鵡省。汗融粉。膩體香慵噴。
薄倖休狂逞。夢兒好放開俄頃。

春夜閨花影集得十影詞戲和之

紅杏一枝扶月影。綠楊千縷描風影。夜香夜色鎖
空庭。迷蝶影。迷蜂影。花房穩抱雙雙影。繡幕收

燈燈弄影。隔窗寫出佳人影。卸粧小立鏡臺前。釵
鳳影。鬟雲影。魂醉換鞦羅襪影。

春望

欲捲湘簾寒料峭。薔薇一架紅香老子規。不住爲
誰愁。愁花少。愁春少。愁雨愁風愁不了。縱目高
樓鄉思杳。柳搖碧浪長亭道。強將離恨壓闌干。天
連草。烟連草。江頭數點青山小。

婦人嬌

無題

日影窺窗是俗吏歸衙時候羅帳裏軟衾紗縐玉
人猶自戀醉鄉清晝堪憐處一線枕痕紅肉最
可耐容最撩情竇悄地箇和衣相就桃源路近早
入漁郎鼓半醒道羅皂今番郎又

憶帝京

閨怨

晚涼人靜花初睡不放鴉兒閒吠斜月柳疎疎
盡相思味試問夜何其漏下三更未恨時也覺
心頭悔爭奈此情怎待罵還停欲眠且住郎心

只怕應難味淚縱未曾流愁早眉先會

江城子

秋感

一天風雨一天愁合成秋在心头滿院萋萋草色
鎖官樓閒抱琵琶翻舊譜無限意懶還休可憐
潦倒少年遊恨悠悠淚難收聞道城邊新漲半江
流欲寄思家千里淚流不到古徐州時予家寄寓徐州

春望

柳絲吹起麴塵風淡烟籠影空濛隔水人家青旂

杏花紅更是春光無遠近人笑語小牆東 秋千
飛入碧雲中粉香濃汗香融玉燕釵梁斜溜髻鬟
鬆勾我癡情餘幾許和春色一班同

春夜

月明孤坐碧窗中夜溶溶燠融融和恨和愁小暈
一燈紅戍卒不知人未卧催畫鼓儘蓼蓼相思
擬倩客魂通怕匆匆夢難終記得去年今夕草亭
東攜手薔薇花架底按暮雨說春風

千秋歲

和少游詞

春歸簾外蜨粉蜂黃退花事謝芳心碎驗愁奩上
鏡試瘦腰間帶還羞煞繡床鴛枕空成對 記得
初相會翠被和春蓋忘不了般般在玉驄消息斷
薄倖心腸改又何勞當年絮絮盟山海

寄感仍用前韻

孤踪天外酒態詩狂退愁與病牽心碎睂長常鎖
恨腰瘦難勝帶西窗下青山白水來相對 荷心
先領會畏暑聊擎蓋轉眼處秋光在書生原白面

雨打風吹改離合。別年年負却情如海。

師師令

咏美人口

碧窗私語香氣噴人。醉玉珠的的小櫻桃。一顆有天然滋味。帶笑微微。紅欲墜。恐著他脂痕碎。有時扇底競歌吹。調舌鶯聲脆。花奴樣子不勝春。早占斷人間妖媚。嘖嘖含情輕障袂。此意誰能會。

河滿子

咏美人手

粉嫩春蔥柔膩玉。寒纖甲修長。怪道牡丹無賴甚。偷畱一捻紅香。愛倩月中弄笛。忍教筵上擎觴。每到相思靜處。厭厭托損腮傍。翡翠指環輕約束。抹時笑贈檀郎。含態碎搓花瓣。倚闌戲打鴛鴦。

風入松

秋盡

西風吹盡結成寒。曉起捲重簾。昏沉一片銷魂色。又不雨。又不晴天。遠樹已無秋意。遠山猶剩秋烟。玉琴新自上冰絃。欲弄轉淒然。少年何事傷懷。

抱歎知音今昔原難獨有哀吟蟋蟀與人同病相
憐

其二

雲連鴈字貼天飛風緊玉霜威黃花老逐秋光歇
濃寒鎖住柴扉收拾朝衣去典贖他舊典貂衣
一官繫我幾時歸夜夢繞慈闈少年已不如人矣
何須更托金徽流水高山調絕知音今日原稀

夜坐

譙門畫角動三更簾壓夜寒輕窗前多少芭蕉葉

一點雨一點愁聲香學迴腸疊恨燈窺瘦影生憎
無聊脈脈坐調箏寫出旅中情不眠不爲宵長
也恐今宵夢短頻驚更是遙天斷鴈賺人鄉信難
憑

御街行

春閨

好春天氣獨傷春眼重懶精神鶯兒勸得腰兒瘦
也怎生禁架羅裙悶惜飛花輕憐碧草閒却小朱
輪幽情秘意共啼痕輸與薄情人如今拋得春

無主也。重門深鎖。梨雲離別。心腸相思。滋味寂寞。是黃昏。

拍闌干

閨七夕客僧舍有感

早知明日仍離別。翻覺今宵一

會多。

相思相見鵲橋兩度。銀河岸。趁此秋宵今夜半。再續歡娛。好結鴛鴦伴。雖多。了一番會面。又怕明朝多。一番離散。書生迂拙。從來慣設果陳瓜也。且重求徧。黃昏早拚芙蓉幔。莫使牛郎來笑。栖僧院。一叢花。

雨中作

芭蕉葉葉信如何。窗外兩三窠。愁人心緒。羈人淚。都化作雨點聲多。蜨夢無蹤。鵲魂不見。燕病睡香窩。女牆雲影壓烟蘿。山遠綠於螺。珠簾捲盡。江樓暮空添了一尺。輕波滯我歸舟。不教如箭飛渡。入黃河。

感寓

斗大孤城。面面山朝暮。白雲環一身。淹滯白雲裏。白雲外。萬里鄉關。楊柳翻風。芭蕉鬧雨。都是斷魂。

天檀奴先我二毛班同病在今年風流腸肚消
磨盡剩愁多壓得睂彎酒碗依然茶鐺無恙情緒
覺堪憐時余年三十三

梅花三弄上三句梅花引中二句一剪梅
下四句江城梅花引後段同

奈何

奈何人奈何春花柳風情今斷魂蜂瘦三分蝶瘦
三分只有杜鵑啼不住一山一水一聲聲是血痕
江頭遊子愁如許淚珠化作千山雨春累人心人
累春心慢道春隨人去也春去也比人歸早幾句

送入我門來

戲馬敬靜納妾

紅玉籠雲修蛾却月盈盈少婦盧家銀燭雙燒寶
帳掩冰紗君同夏日熟梅雨妾似春初荳蔻花
嬌小不禁蹣跚一夜蜂黃蜨粉退了些些占盡溫
柔鄉裏好年華休如清瘦緣何事六六峰頭興更
賒

擬豔限韻

臉際潮生睂尖羞暈淚痕疑在橫波無奈春風揉

損碧雲窩。妾同搖曳。初生柳。柰郎似新鶯來往梭。
多少深情。秘意幾點花零。紅雨春透。輕羅怯怯。
盈盈不慣耐婆娑。蜂兒偷蜜來重戶。惹燕子私窺
坐淺窠。

柳初新

咏新柳

一點情芽春未透。睂尾睂尖洩。漏燕翻香雨。鶯鬧
朝雲。故把鶯兒搓就。怪道纖腰恁瘦。乍消承東風
僝僽。偷向畫樓前後。襯秋千玉翹。紅袖嬌難勝。

舞嫩不禁揉。偎盡煖。新寒舊怕。是清明時候。銷魂
惱。被淒烟覆。

最高樓

秋感

秋來了。曾不到梧桐。先來到客中。一陣輕寒。一陣
雨。幾番落葉。幾番風。減却千糧。消却幾稅。老花容。心
頭撇不下。江南恨。眼前盼不到。衡陽信。多少意情。
誰通。古寺鐘聲。敲夢破。小窗山色。被烟封。惹新愁。
和舊怨。盡無窮。

初秋感興和人韻

秋無賴。纔弄做清涼。又弄做淒涼。風兒細細生羅幕。雨兒點點灑紗窗。助人愁。是綠葉漸成黃。瘦得箇狂蜂沒了性。瘦得箇花奴成了病。全不肯軟心腸。那知更有人憔悴。幾番歸計阻名疆。設登樓空作賦。怨清商。

哭李邁園先生

相思路風雨。瘞孤魂。孤魂何處尋。君作玉樓天上客。我畱錦水甕中身。更無家。還落魄。謝知音。今

生搬不下西湖約。今宵夢不到重泉隔。從此後淚

沾巾。惟把陽春托象板。

先生在于署中作有諸戲曲

羞將流水

問瑤琴。設村醪。餘痛哭。弔遺民。

千秋歲引

送張五修歸里

衰草粘霜敗蘆翻雪。正秋色撩人愁絕。天涯孤客淚縱橫。天外孤鴻聲哽咽。當此際。黯銷魂。惟是別離筵。拚取金樽竭。陽關鐵笛。今吹裂。岸邊枯柳難堪折。錦江流水去如飛。爲送歸舟輕似葉。一回

頭人萬里腸千結

江濱祠觀梅和朱丹山韻

粉凍魂清香疎夢惱漏洩春心么鳳小橫斜一枝
欲破臘精神分外霜天好笛悲風角叫月多縹緲
世外佳人傾國笑底事塵緣能頓了入道祇園
芳意悄盈盈不待東君嫁稜稜却倩蒼烟繞憶江
南江北也開須早

江城梅花引

秋夜吟

秋風午夜冷蕭蕭。弄花梢。弄柳梢。花柳雖衰仍是
舊根苗。怪底關情情易動。身裏病。病中身。總魂銷。
魂銷魂銷不可招。更自敲。香自消。聽也聽也聽
不得蟋蟀勞騷。更怕一聲斷。鴈碧雲高人爲愁多。
憔悴了。心炙也。比燈兒。分外燒。

玉人歌

春半

春已半看柳弄烟絲花飛風片閒情多少惱被鶉
聲喚歸心輕把春心換共我心如箭幸榆錢買住

東君尚畱一線。轉眼朱顏變。莫白日蹉跎青春有限。趁著春光遊覽。應須徧。年年何事厭厭也。門
揜梨花院。想愁人病裏。怕教春見。

醜奴兒

咏美人目

盈盈剪水滿不住。一睂秋幾度。人前送意幾度。抬
頭幾度含羞。珮聲去也。倩倩畱伴。回顧影心期。曾
許密約相兜。屏曲恁時歡會。雲鬆花怯。釵揉倦
曹騰睥睨無力。多少風流。多少溫柔。最難忘話別。

寫畫美人目
朱當卿一結

綢繆看承人處。汪汪淚攔頻落。頻收。

鵲踏花翻

梅花

新煖烘香舊寒勒粉。東君撥動花心。亂啼春小鳥。
方嬌恰恰含情聲聲偷作銷魂顫。烟邊綽約帳中
身。雨後風流歌罷汗。堪羨世外佳人一笑早占。
盡柳街花院。想著肌膚玉潤韻格天然。病鶴宜相
伴。三生石上已曾拚。蝴蝶枝頭常夢見。
宣清

閨怨 限韻

簌簌飛黃葉。正晚風、做冷月斜。烟重聽玉簫。譜就
新聲。欹寶枕、選殘舊夢。欲卜歸期。幾次都教燈花
侮弄。愁蹙蹙。淚懸懸。睂眉那會得空。腸有千迴
骨無一把。怎消承秋仲。記得前宵雨。迎雲迷不放
半絲絲。縫往事。堪嫌已。緣慳說他何用。

意難忘

秋感

門掩淒涼被。酸風苦雨消滅秋光。草衰低蝶板花

冷。閉蜂房。人意懶。客愁長。觸目盡心傷。最怕看笑
蓉窗外。零落紅粧。厭厭清坐昏黃。憶詩瓢。劒匣
酒碗茶槍。而今原未老。仍是少年場。綠底事。沒心
腸。宦海一空囊。再休題風流杜牧。窈窕蕭娘。

佳人

蟬翼輕綃。印胸鋪雪膩。乳抹紅嬌。白風葵作扇。避
暑玉爲翹。脂暈淺粉香。飄柳嫩瘦。苗條虧了他。闌
干一曲。倚住纖腰。盈盈小弄瓊簫。惹周郎。生盼
荀令。魂銷雲情。勾眼角。雨態上睂梢。休作勢。故相

拋風流屬我曹。好吩咐。獨兒熟睡。莫吠今宵。

塞翁吟

秋夜

雲影冰綃薄。隱不住。月輪圓。人扶病。壓闌干。初試
夾衣單。芙蓉葉葉驚心顫。無風猶自。篩烟門掩著。
螢燈點點。欲滅還然。無端又誰家玉簫吹裂。添
一箇。秋聲可憐。明知是愁長。夢短坐支盡。移階花
漏小。夜如年。相思贏得疎鐘殘磬。飛出禪關。

絳都春

秋感

銷魂時候正。蕉聲鬧。雨鴈影書天。瘦柳條長。知拖
不動。欲寒烟。秋光那管人扶病。都教愁入睂彎。無
邊衰草。無邊落葉。幾曲闌干。簾捲高樓。縱目見
八千客路。一片雲山。江上飄零。宦遊無計。上歸船。
琴書猶在。黃金盡。雄心羞乞人憐。任是丹楓蕭索。
疎竹平安。

凝香集

卷之三

不文

不勝其苦

八十客親一

發草無憂蒼葉幾世關干

小樓夜寒照燈火孤管人共燕

隨處有詩五點草間雨河深書示

好



